

ছইটি কপোল চুমে বার বার
 মুখানি উঠায়ে তুলি !
 তোরা খেলা কর—তোরা খেলা কর
 কামিনী কুমুম গুলি !
 কভু পাতা মাঝে লুকারে মুখ,
 কভু বায়ু কাছে খুলেদে বুক—
 মাথা নাড়ি নাড়ি নাচ কভু নাচ
 বায়ু কোলে ছলি ছলি !
 হৃদয় বাঁচিবি—খেলা' তবে খেলা,
 প্রতি নিমেষেই ফুরাইছে বেলা,
 বসন্তের কোলে খেলা-শাস্ত্র প্রাণ
 ত্যোজিবি ভাবনা ভুলি !
 অশোক ।—(দূর হইতে দেখিয়া)
 ওই যে হোথায় নলিনী রোয়েছে
 বসি বিজয়ের সাথে !
 কত কাছাকাছি !—কত পাশাপাশি !
 হাত রাখি তার হাতে !
 অসার-হৃদয়, লঘু, হীন-মন
 কোন গুণ নাই যা'র—
 শুধু ধন দেখে বিকাবি, নলিনী,
 তারে দেহ আপনার ?
 কতবার প্রেম ! বাসু পলাইয়া
 ভয়ে ফুল ডোর দেখি,
 ধনের সোণার শিকল হেরিয়া
 আজ ধরা দিলি একি ?
 সুরেশ ।—থুঁ জিয়া থুঁ জিয়া পাইনা দেখিতে
 নলিনী কোথায় আছে ।
 ওই যে হোথায় লতা-কুঞ্জতলে
 বসিয়া বিজয় কাছে !
 কি ভয় হৃদয় ! জানি গো নিশ্চয়
 সে আমারে ভালবাসে,

মন তার আছে আমারি কাছেতে
 থাকুক সে যার পাশে !
 বিনোদ ।—কথা শুনে তার—ভাব দেখে তার
 কল্পনার ভাবি মনে—
 নলিনী আমার—আমারেই বুঝি
 ভালবাসে সঙ্কোপনে !
 সত্য হয় যদি আশা !
 সে আশ্বাস বাণী, সে হাসি মধুর
 সত্য যদি হয় তাহা !
 নীরদ ।—কে আমার সংশয় মিটায় ?
 কে বলি দিবে সে ভালবাসে কি আমার ?
 তার প্রতি দৃষ্টি হাসি তুলিছে তরঙ্গ রাশি
 এক মুহূর্তের শাস্তি কে দিবে গো ছায় !
 পারিনে পারিনে আর বহিতে সংশয় ভার,
 চরণে ধরিয়া তার শুধাইব গিয়া,
 হৃদয়ের এ সংশয় দিব মিটাইয়া !
 কিন্তু এ সংশয়ো ভাল,
 পাছে গো সত্যের আলো
 ভাঙ্গে এ সাধের স্বপ্ন বড় ভয় গনি ;
 হানে এ আশার শিরে দারুণ অশনি !
 (নলিনীর নিকট হইতে বিজয়ের দূরে
 গমন, ও নলিনীর নিকটে
 গিয়া প্রমোদের গান)
 আঁধার শাখা উজল করি,
 হরিত পাতা ঘোমটা পরি'
 বিজন বনে, মালতী বাল্য,
 আছিস্ কেন কুটিয়া ?
 শুনাতে তোরে মনের ব্যথা,
 শুনিতে তোরে মনের কথা,
 পাগল হোয়ে মধুপ কভু
 আসেনা বেথা ছুটিয়া ;

মলয় তব প্রাণয় আশে
 লমেনা হেথা আকুল ঋসে,
 পায়না চাঁদ দেখিতে তোর
 সরমে-মাথা মুখানি ;
 শিয়রে তোর বসিয়া থাকি
 মধুর স্বরে বনের পাখী
 লভিয়া তোর সুরভি-স্বান
 যায় না তোরে বাথানি !

নলিনী ।—(হাসিয়া)

শুনিয়া ধীরে মালতী বালা
 কহিল কথা সুরভি-চালা,—
 “আঁধার বনে আছিগো ভাল
 অধিক আশা রাখি না !

তোদের চিনি চতুর অলি,
 মনো-ভুলানো বচন বলি
 ফুলের মন হরিয়া লোরে
 রাখিয়া যাসু যাতনা !

অবলা মোরা কুসুম-বালা
 সহিব মিছা মনের জালা,
 চিরটি কাল তাহার চেয়ে
 রহিব হেথা লুকারে !
 আঁধার বনে রূপের হাসি
 চালিব সদা সুরভি রাখি,
 আঁধার এই বনের কোলে
 মরিব শেষে শুকারে !”

(অশোকের নিকটে গিয়া)

নলিনী ।—

অশোক, হোথায়, দূরে কেন ছুঁছি
 দাঁড়াইয়া এক ধার ?
 কত দিন হোল আমার কাছেতে

আস'নিত একবার !

ভুলেছ যে প্রেম, ভুলেছ যে মোরে
 তোমার কি দোষ আছে ?
 এ মুখ আমার এ রূপ আমার
 পুরাতন হইয়াছে !

ভাল, সখা, ভাল, প্রেম না থাকিলে
 আসিতে নাই কি কাছে ?
 যেচে প্রেম কভু পাওয়া নাহি যায়
 বন্ধুত্ব কি দোষ আছে ?

যদি সারাদিন রহিয়া তোমার
 প্রাণের রূপসী সাথে
 কোন সন্ধ্যাবেলা মুহূর্তের তরে
 অবকাশ পাও হাতে,
 আমাদের যেন পড়ে গো স্বরণে
 এসো একবার তবে !

ছু চারিটা গান গাব' সবে মিলি
 ছু চারিটা কথা হবে !

অশোক ।—(স্বগত)

পাষণে বাঁধিয়া মন মনে করি যতবার
 কাছে তার যাবনাক মুখ দেখিব না আর,
 তার মুখ হোতে তিল আঁধি ফিরায়েছি যবে—
 দূরে যেতে এক পদ শুধু বাড়ায়েছি সবে,
 অমনি সে কাছে চোলে ছু একটি কথা বোলে
 পাষণ প্রতিজ্ঞা মোর ধূলিসাৎ করিয়াছে ;
 শুধু দুটি কথা বোলে, একবার এসে কাছে !
 জানিনা কি শুধু সেগো মন ভোলাবার কথা ?
 সে হাসি—সে মিষ্টহাসি—নিদারুণ কপটতা ?
 জানে জানে সব জানে, তবু মন নাহি মানে,
 প্রতিবার ঘুরে ফিরে তবুও সে যায় তথা ;
 জ্বরে শুনে তবু তার ভাল লাগে কপটতা,
 সেই মিষ্ট হাসি, সেই মন ভোলাবার কথা !
 যবে ভোলাবার তরে কপট আদর করে,